

مرکز توزیعی:

باب عالی چاده سیده

(اتحاد تجارت)

کتابخانه سی ایله

(یکی تووکیه)

مطبعه سی



اداره خانه سی:

باب عالی ده

(یکی تووکیه)

مطبعه سی فوقنده کی

دائرة مخصوصه

علمی، ادبی، اجتماعی و شهری مجموعه در .

شرائط استرا:

صاحب، مدیر، محروی:

شرائط تحریر:

هر سنده نك برنجی وایکنجی آلتی آیلغندن اعتباراً آتونه قید اولونور.
سته لکی: اون ایکی نسخه اولوق اوزره پوسته اجریتله برابر
(۱۰۰)، آلتی آیلغی (۵۰) غروشدور. ممالک اجتنیه ایچین
۵۰ و ۳۰ غروش علاوه سی لازمدر.



ملتك نفعته خادم یازیلر مع التشر قبول ونشر اولونور. یازانك
شخصیتی دكل، یازانك مادیتی نظردفته آلتیر. کونده ویله جك آناو
اوقوناقیل مختصرجه یازیلش اولمالیدور. ککن یازیلردن شایان قبول
کورولنلر تاریخ صیراسله درج ایدیلیر.

محفل

مجموعه سنك كچن سنه لره عائد و پك چوق معلومات مفیده بی حاوی اولان نسخه لری منتظماً
دیگیلمش و اوزره لرینه قالین برر قاپاق كچیریلر ك مجلد كتاب حالته كتیریتلشدر. خیرالانیس
اولاییله جك بونفیس كتابلردن برنجیسنك موجودی بیتمش، ۷-۱۲ نجی نسخه لری پراكنده
اولارق قالمشدر. بهر نسخه سی ۱۰ غروشدور. ۲، ۳، ۴ و ۵ نجی جلدلر ك بدلی پوسته اجریتله برابر یوزر غروشدور.
طوغرودن طوغرویه اداره خانه یه داخلدن ۳۰۰ خارجدن ۳۵۰ غروش کونده ریلدیکی صورتده هر درت جلدی یوللا نیرم

ادما ایتک ایستلر .

کتاب سته حدیث و مسانید عشره ودها قدیم اجزای حدیث، عمومی و خصوصی کتبخانه لایمزه موجود در . بونلرک هیچ برنده انسانی بویله سقیم بر فکره دوشوره جک تک بر اسناد تصادف ایدلر . بو کتابلری تدقیق ایدن مهره منقدین و ائمه جرح و تعدیل و شراح کرام ده بویله برشی دییه مه مشلر در . بعض اسانیدی اسباب عدیده بیانیه تنقید ایتدکلری حالده هیچ برینی فلان مصنف ترتیب ایتش دییه بر حکمه جرح ائمه مشلر در . بوبابده کتب (جرح و تعدیل) بر شاهد عادلر . اکر (صحیح مسلم) ایله (صحیح بخاری) دقتله مطالعه اولونسه اسنادک اهمیتی نمایان اولور .

شیخ زاهر

بسم الله الرحمن الرحیم

علم خیال

خیال ایقانه مخالفدر . (بن ، بوکا بر درجه قدر ایناندم) دییه مزسکز ، سرابی اجسام طبیعی عدادینه ادخال ایدمه یه جککز کی عنقاییه دفتر حیواناته قید ایتدیره مزسکز ، فقط (خیال ایمانه منافیدر) دیرلر سه اینانما . یوله دوشن بر طاشی قالدیر مق بیلله حسن نیته مقارنت شرطیله ایماندن معدوددر .

بوراده وهمی خیالندن تفریق ائمه لی بز .

معلومدرکه : بزده قوه طبیعییه غرضنده استخدام ایدن بر قوت وار . خیال دیدیکمز بوقوت ، محسوساته حکمی شامل اولاجق بر حق تصرف ادعاسنده بولونویور ، بونی ده بزه ایسترایسته مز قبول ایتدیریور ، بو صراده بز ، حقیقتده وجودی اولمایان شیلرک دخی تحت تاثیر و تسلطنده قالیورز ، بونلر ده وهمی ائدر . صور خیالییه صور وهمی دن تفریق مقتدر

خیاله (وهم) نامی ویره رک ایشک ایچندن چیقماق ایسته یورز . حال بوکه خیال ایله خولیادیدیکمز ، حد ذاتنده باشقه باشقه شیلر در . (علم خیال) خیالی خولیادن تفریق ایدن بر علم دیمکدر . بوبابده بر فکر ایدینه بیلیمک ایچین شیخ اکبرک ایضاحات آتیه سنه نصب نظر ایتککلمز لازم کلیر . (فتوحات مکیه) ده دیورکه : (صور خیالییه مزک جمله سی ممکنات محسوسه دندر ، ممکنات محسوسه ده وقوعه کلن تغیرات حقه عائد اولدینی کی حضرت خیالک محسوساتده کی تصرفیه تنوع خواطر صورتنده وقوعه کلن بر تبحلی آلهی اثریدر .

حضرت خیال ، محسوسات ایله معانی مجرده آراسنده حائر تاثیر و تصرف اولان بر حضرت متوسطه در ، ممکنات محسوسه معانی مجردیه آنجق تخیل واسطه سیله کسب ارتباط ایدر .

معاینه ک قوالب محسوسه ده ظهورینه توسط ایدن قوه خیالییه که : عالم برزخ ، مجمع البحرین ، ملتقى البحرین دیدیکمز عالم مثال در .

بو عالم معانی صفاتده کندینه مناسب اولان اجسامه تمثل ، حتی تجسد ایدمه جک بر عالم غیر عنصریدر)

حس ، عقل ناصل دوچار خطا اولویورسه ، معمل تخیلاتدن چیقان هر شیئکده عینیه حقیقت اولماسی لازم کلر . الفاظ ایچین (علم نحو) فکر ایچین (علم منطق) نه ایسه : صور خیالییه ایچین ده (علم خیال) اودر . خیالک خطا احتمالنن سالم اوله بیلیمه سی ، موازین معانییه رعایتله ممکن اولور . بو اعتباره کوره (علم خیال) حضرت خیالک عالم امره کیفیت اتصال و انفصالندن باحث بر علم تمثیل معانی در . اهل کشفک عالم غیبه عائد اولان استکشافاتی تمثیل معانی ده کوستره بیلدکلری بر فضل مکتسبدر . براهل کشفک کشفنه اعتماد اولونماسی ، علم اسمایه ،

علم خطابه، علم تجلی به، علم کمال و نقصه، علم معرفه النفسه، علم امراض و تداویء نفسه درجه و قوفیه محاکمه اولونور . اولیاده بو، بفضل مکتسب در . تجسد معانی، انبیاء کرامده وقوع بولور . صور کونیه، صور معنویه ایله هو هو اولور . انبیانک ملک کورمه سی بواساسه استناد ایتمکده در .

عالم امر، عالم غیب، جناب حقک علی العاده انسانلردن ستر ایتدیکی برعالم دیمکدر . عالم خلق که، بو عالم کون و شهادتدر، بوراده هرشیء سببی ایله تصویره مجبورز . سبب طبعیسیز برشیء تصور ایده مه یز، عالم غیبده ایسه برشیء سبب طبعیسی ایله تصویره احتیاج یوقدر، حقایق عینیه برهانه محتاج دکدر . بز، برعالم عنصریده بولوندیغمز ایچین اولیانک کشفیات غیبیه سیله مکلف طوتولما دق . چونکه بونلرده کی تمثیل معانی قوتی هیچ بروقت انبیاده کی تجسد معانی حدینه واصل اولاماز . بوجهتله تخیل و تمثیل ایله تشریع و تنزیل باشقه باشقه شیردر . انبیاء، معانیء غیبیه بی فضل الهمی ایله عالم حس و شهادته تماماً نقل ایده بیلرلر .. هر نه ایسه بزینه موضوع مزه عودت ایده لم :

ممکنات محسوسه دن چیقاره بیلدیکمز معنالی بیله بزده یاشادان خیالدر . بوتأثیراته هر حالده بی اساس برطاقم قورونتورل نظریله باقیلاماز . خیال، اووقت قورونتو اولورکه : بی مأل اولسون . خیاله قوت ویرمک، حس و عقلی اهل ایتمک دیمک دکدر . حائر اولدیغمز قوتلردن برینک استعمالی، دیکرینک ابطالی ایجاب ایتمز . کوزم کورسونده وار سین قولاغم ایشیتمه سین دینیه مز . هر تخیلده آشاغی، یوقاری برتجلیدر . مثلاً شاعر عصمتی، شوخیالی منظومه بی یازمش اولماسندن دولای موأخذه ایده بیلر می یز ؟

ظاهرده نظرگاه تخیلیه سهاده

هر یرده بکاجلوه نمدار اوخیال
کاهیجه شفقدر دوغار انوار سبادن
صحرايه قدوميله ویرن کون کی زینت
کاهیجه اولور برصوکنارنده بدیدار
تنها بکا اول مالکۀ عالم وحشت
بعضآده اولور دالغهلر آردنده نمایان
ایتدکجه تلاطم اوسراب ابدیت

بوغظومه سراپا برذکر خیالدر . اما (سراب ابدیت) تعمیری طوغرو دکش، سراب ایله ابدیت شکلری امتزاج ایده مزمش، شاعرک امورنده بیله دکدر . اینی دوشونولورسه : سراب ابدیت ده لساناً دخی بر مناسبتسزلک یوقدر . سراپی موجودات مادیه ایچندن اووقت چیقاروب آته بیلردک که : بو اشکال کوناکونی کوسترن چوللری خریظه عالمدن چیقاره بیله لم .

فخر رازی نه دیرسه دیسین، نصیرالدین طوسی سراپی ده پک اعلی موجودات طبعیه دن عدایدیور . هر شیئک آل ایله طوتولماسی نه دن لازم کلیور ؟ خیال دیدکری ده بویه در . (سراب) برشهری، اونک ابنیه سنی، باغلیخی، بستانلرینی ناصل بزده عکساً نقل ایتدیره بیلورسه : خیالده شهرستان حقایق امریه نک ولو برقسمنی اولسون بزده کوستره بیلر . شیخ اکبر دیورکه : (شعر، شعور دندر . شعر، بر شعور لطیفدرکه : حکمی قبل الاشباح ارواحده دویولور . ارواحک ده اشباح ایله رسم تناکی عالم خیالده اجرا اولونور) تناکح اشباح و معانی مسئله سنه باقیکنز . اینی باقیلیرسه زواللی برفرانسز فیلسوفنک تناکح معانی بی تناسخ زعم ایتدیکنه تعجب ایدیلز . خیالی دکل، وهمی بیله قولای قولای اورته دن قالدیرامیورز . معلومدرکه (کیما) دنیلن شیء، اوللری برخیال، حتی بروهم ایدی . باقیری آلتون یاقمق قورونتوسی، مجرای شثونی دولاشه دولاشه

بر علم مخصوص اولدی. بو کون کیمیانک قاریشادینی ایش قالمشدر.

دیمک که : قورونونک بیله حقیقت وجود ایله ولو بر قوه منفیه حالده اولسون اوزاقدن اوزاغه بر مناسبتی وار. انسان، بوتون قوی وملکاتیه انسان دکلیدر ؟ اوت ، انسانده وهم کی ابطال حقیقته ساعی بر قوت اولماسهیدی بلکهده حقیقتک بودرجه قدری آکلاشیلامایه جقدی . هرکس اوهامه، امیال مضره سنه مخالفتله مظهر هدایت و فضیلت اولمایورمی؟ شیطان بیله بوش یره یارادلمش برشی دکلدرد. وجود اولماسهیدی عدمه اصلا اهمیت ویرن اولمازدی ، شرک اولماسهیدی توحیدک قدزی بیلنمزدی. خزائن خلقت، عقلاً محاکمه سنه مقتدر اولامادیغمز حقیقتلرله طولودر . بونلرک بر قسمنه حواسمزله ، بر قسمنه ذهنمزله ، بر قسمنه خیالمزله تماس ایدیورز . وهممزلهده تماس ایده جکمز ایشلر یوق دکلدرد . بوقوتلرک بیکلرجه، بلکه یوز بیکلرجه سنه لک مساعی مشترکه متادیه سیله چالیشه چالیشه بر طاق صورحسیه وفکریه، اشکال خیالیه و قلبیه ومعنویه آره سنده یورویه یووویه ، صورتلرله چارپیشه چارپیشه بولو. ندیغمز نقطه یه قدر کلش چیقمشز .

دارداغان دزاده

احمد نظیف

ذی الحجه ومحرّم غره لری

« ۱۳۴۳ ذی الحجه غره سی »

اجتماع نیرین ۱۳۴۳ سنه سی ۲۹ ذی القعدة کونی صباحی اذانی ساعت ایله اون ایکی ساعت، اوتوز اوج دقیقه ده، یاز وسطی ایله طقوز ساعت، اون یدی دقیقه ده. واقع اوله جق ، حین اجتماعده ، قر سیرنده بطی اولدیغندن شمسی حد معین مرتبه سنده سبقت ایده میه جکندن فوق الافق

آنجق بازار آقشامی بازار ایرتسی کیجه سی اذانی ایله اون ایکی ساعت بر بوچوق دقیقه ده ، یاز وسطی ایله طقوز ساعت، طقوز دقیقه یه قدر مکث ایدوب غروب ایده جک ، بازار ایرتسی اذانی ایله اوج ساعت، ایکی دقیقه ده و یاز وسطی ایله اون بر ساعت، قرق آلتی دقیقه ده قر، شعاع شمسدن چیه جق ، بازار کونی آقشامی هلالک نوری بیکده یکر می بش بولنه جق ، بو وضعیتده بولنه جق اولان هلالک بازار ایرتسی کیجه سی رؤیتی ممکن اوله میه جقدر .

ذکری کچن بازار ایرتسی آقشامی صالی کیجه سی اذانی ایله اون ایکی ساعت، الی دقیقه یه قدر فوق الافق قر مکث ایدوب نقطه مغیب شمسک درت بوچوق درجه جنوبنده غروب ایده جک ، هلالک نوری بیکده سکسان بش بولنه جق ، بو وضعیتده بولنه جق اولان هلال، ایکی اوجی جنوبه متوجه ومعتدل ومنور رؤیت اولنه جق و صالی کونی ۱۳۴۳ سنه ی غره ذی الحجه الشریفه سی اوله جقدر .

« ۱۳۴۴ محرم غره سی »

اجتماع نیرین ذی الحجه نک یکر می طقوز نجی صالی کیجه سی اذانی ایله درت ساعت، بش دقیقه ده و یاز وسطی ایله اون ایکی ساعت، قرق بر دقیقه ده واقع اوله جق ، حین اجتماعده قر سیرنده بطالتندن شمسی حد معین مرتبه سنده سبقت ایده میه جکندن قر فوق الافق آنجق صالی کونی آقشامی چهارشنبه کیجه سی اذانی ایله اون ایکی ساعت، یکر می بش دقیقه و یاز وسطی ایله سکز ساعت، قرق سکز دقیقه مکث ایدوب غروب ایده جک، مذکور چهارشنبه کیجه سی اذانی ایله یدی ساعت، اوتوز آلتی دقیقه ده، یاز وسطی ایله اوج ساعت، اون بر دقیقه ده قر شمسک شعاعندن چیه جق، مذکور چهارشنبه کیجه سی هلالک نوری بیکده اوتوز بش بولنه جق ، بو وضعیتده بولنه جق